



Broj: JN05-16-4-16-6/18  
Sarajevo, 11.07.2018.godine

Na temelju članka 69. stavak (1) tačka a), članka 70. i članka 89. Zakona o javnim nabavama Bosne i Hercegovine („Službeni glasnik Bosne i Hercegovine“ broj: 39/14), ministar pravde Bosne i Hercegovine, d o n o s i

## O D L U K U o dodjeli ugovora u postupku javne nabave

### I

Dodjeljuje se ugovor ponuđaču **SARAJEVO OSIGURANJE d.d. Sarajevo, Ulica Maršala Tita broj 29, 71000 Sarajevo** u postupku javne nabave usluga obveznog osiguranja i potpunog kasko osiguranja službenih vozila Ministarstva pravde Bosne i Hercegovine.

### II

Ponuđač iz tačke I ove odluke dostavio je ponudu s najnižom cijenom u skladu sa člankom 64. stavak (1) tačka b) Zakona o javnim nabavama Bosne i Hercegovine.

### O b r a z l o ž e n j e

Ministarstvo pravde Bosne i Hercegovine je 30.04.2018.godine pokrenulo konkurentski postupak nabave usluga obveznog osiguranja i potpunog kasko osiguranja službenih vozila Ministarstva pravde Bosne i Hercegovine, izvršilo objavu 18.05.2018.godine na portalu javnih nabava Agencije za javne nabave Bosne i Hercegovine ([www.ejn.gov.ba](http://www.ejn.gov.ba)) i uputilo pozive ponuđačima na tri različite adrese za učešće u predmetnoj nabavi.

U ostavljenom krajnjem roku za dostavljanje ponuda pristigle su ponude od sljedećih ponuđača:

1. ADRIATIC OSIGURANJE d.d. Podružnica Sarajevo, Trg međunarodnog prijateljstva broj 20, 71000 Sarajevo;
2. SARAJEVO OSIGURANJE d.d. Sarajevo, Ulica Maršala Tita broj 29, 71000 Sarajevo;
3. CENTRAL OSIGURANJE d.d. Sarajevo, Ulica Džemala Bijedića broj 39, 71000 Sarajevo;
4. EUROHERC OSIGURANJE d.d. Sarajevo, Trg međunarodnog prijateljstva broj 20, 71000 Sarajevo;
5. GRAWE OSIGURANJE d.d. Sarajevo, Trg solidarnosti broj 2, 71000 Sarajevo;
6. CAMELIJA OSIGURANJE d.d. Bihać, Ulica 5. Korpusa broj 3, 77000 Bihać.

Povjerenstvo za javne nabave Ministarstva pravde Bosne i Hercegovine (u daljem tekstu: Povjerenstvo) je nakon izvršenog uvida u pristigle ponude i dokumentaciju dostavljenu uz iste, konstatovalo da ponude ponuđača ADRIATIC OSIGURANJE d.d. Podružnica Sarajevo, GRAWE OSIGURANJE d.d. Sarajevo i CAMELIJA OSIGURANJE d.d. Bihać ne ispunjavaju formalno-pravne i tehničke uvjete navedene u tenderskoj dokumentaciji, pa se kao takve smatraju neprihvatljivim ponudama, dok preostale tri pristigle ponude ispunjavaju formalno-pravne i tehničke uvjete navedene u tenderskoj dokumentaciji te se kao takve smatraju prihvatljivim ponudama.

U pogledu ponuđača **ADRIATIC OSIGURANJE d.d. Podružnica Sarajevo**, Povjerenstvo je utvrdilo da je ukupna cijena ponude navedenog ponuđača, u iznosu od 42.844,62 KM bez PDV-a, viša od procijenjene vrijednosti predmetne nabavke utvrđene tačkom 2.1.2. tenderske dokumentacije u iznosu do 30.769,23 KM bez PDV-a.

Slijedom navedenog, a budući da je člankom 68. stavak (4) tačka i) Zakona o javnim nabavama propisano, da je ugovorno tijelo dužno odbaciti ponudu ukoliko ista nije potpuna i ne ispunjava zahtjeve iz tenderske dokumentacije, Povjerenstvo je zaključilo da se ponuda ponuđača **ADRIATIC OSIGURANJE d.d. Podružnica Sarajevo** odbaci.

U pogledu ponuđača **GRAWE OSIGURANJE d.d. Sarajevo**, Povjerenstvo je utvrdilo da je ukupna cijena ponude navedenog ponuđača, u iznosu od 45.983,31 KM bez PDV-a, viša od procijenjene vrijednosti predmetne nabavke utvrđene tačkom 2.1.2. tenderske dokumentacije u iznosu do 30.769,23 KM bez PDV-a.

Slijedom navedenog, a budući da je člankom 68. stavak (4) tačka i) Zakona o javnim nabavama propisano, da je ugovorno tijelo dužno odbaciti ponudu ukoliko ista nije potpuna i ne ispunjava zahtjeve iz tenderske dokumentacije, Povjerenstvo je zaključilo da se ponuda ponuđača **GRAWE OSIGURANJE d.d. Sarajevo** odbaci.

U pogledu ponuđača **CAMELIJA OSIGURANJE d.d. Bihać**, Povjerenstvo je utvrdilo da je ukupna cijena ponude navedenog ponuđača, u iznosu od 36.990,98 KM bez PDV-a i sa popustom, viša od procijenjene vrijednosti predmetne nabave utvrđene tačkom 2.1.2. tenderske dokumentacije u iznosu do 30.769,23 KM bez PDV-a. Povjerenstvo je dalje utvrdilo također, da navedeni ponuđač je u Aneksu 5 zaokružio opciju pod a) - u skladu sa kojom podliježe primjeni preferencijalnog tretmana domaćeg ali nije dostavio validan dokaz za navedenu izjavu. Tačkom 7.2. tenderske dokumentacije propisano je da je ponuđač, ukoliko zaokruži opciju pod a), u svrhu dokazivanja da ispunjava uvjete za primjenu preferencijalnog tretmana domaćeg, dužan pored izjave dostaviti potvrdu Vanjskotrgovinske komore BiH ili Potvrdu Privredne komore FBiH/Republike Srpske koja ne može biti starija od 3 (tri) mjeseca računajući od trenutka dostavljanja ponude. Navedenu potvrdu ponuđač mora sadržavati u skladu sa tačkom 8. n) tenderske dokumentacije. Spomenuti ponuđač dostavio je ovjerenu kopiju potvrde Vanjskotrgovinske komore BiH broj: 05-05-3-27-1967/18 od 26.04.2018. godine koja, kako je to navedeno, služi u postupku javne nabavke kod ugovornog tijela KJKP „VODOVOD I KANALIZACIJA“ d.o.o. Sarajevo (Portal javnih nabavki /tender broj: 247-1-2-75-3-148/18 od 12.04.2018. godine).

Slijedom navedenog, a budući da je člankom 68. stavak (4) tačka i) Zakona o javnim nabavama propisano, da je ugovorno tijelo dužno odbaciti ponudu ukoliko ista nije potpuna i ne ispunjava zahtjeve iz tenderske dokumentacije, Povjerenstvo je zaključilo da se ponuda ponuđača **CAMELIJA OSIGURANJE d.d. Bihać** odbaci.

Nadalje, Povjerenstvo je konstatiralo da je tačkom 7.2. tenderske dokumentacije propisano, da će ugovorno tijelo u svrhu poređenja ponuda, primijeniti preferencijalni tretman domaćeg u skladu sa Odlukom o obveznoj primjeni preferencijalnog tretmana domaćeg („Službeni glasnik Bosne i Hercegovine“ broj: 83/16) te da će u tom smislu, prilikom obračuna cijena ponuda u svrhu poređenja istih, umanjiti cijene domaćih ponuda za preferencijalni faktor od 10%.

S obzirom na navedeno, Povjerenstvo je konstatiralo da su ponuđači **SARAJEVO OSIGURANJE d.d. Sarajevo** i **CENTRAL OSIGURANJE d.d. Sarajevo** dostavili popunjenu Izjavu iz Aneksa 5 tenderske dokumentacije, u kojoj su zaokružili opciju a) te u svrhu dokazivanja istog dostavili jednu od potvrda traženih tačkom 7.2. i 8. n) tenderske dokumentacije. Ponuđač **EUROHERC OSIGURANJE d.d. Sarajevo** je dostavio popunjenu Izjavu iz Aneksa 5 tenderske dokumentacije, u kojoj je zaokružio opciju a) ali

isti nije dostavio dokaz kojim potvrđuje navedenu Izjavu. Preciznije, navedeni ponuđač, u svrhu dokazivanja da ispunjava uvjete za primjenu preferencijalnog tretmana domaćeg, nije dostavio potvrdu Vanjskotrgovinske komore BiH ili Potvrdu Privredne komore FBiH/Republike Srpske, a kako je to propisano tačkom 7.2. i 8. n) tenderske dokumentacije. Stoga se na cijenu ponude navedenog ponuđača, u svrhu poređenja, ne može primijeniti preferencijalni faktor.

Slijedom konstatiranog, Povjerenstvo je pristupila rangiranju prihvatljivih ponuda na temelju kriterija najniže cijene i uz primjenu preferencijalnog tretmana domaćeg.

Povjerenstvo je dalje konstatiralo da je tačkom 2.1.6. tenderske dokumentacije propisano da se za predmetnu nabavu predviđa e-aukcija u skladu sa Pravilnikom o uvjetima i načinu korištenja e-aukcije („Službeni glasnik Bosne i Hercegovine“ broj: 66/16). Člankom 3. stavak (1) Pravilnika o uvjetima i načinu korištenja e-aukcije, propisano je da prije zakazivanja e-aukcije ugovorno tijelo u sistem e-Nabave unosi sve prihvatljive ponude.

Slijedom navedenog, Povjerenstvo je jednoglasno dalo preporuku ministru pravde BiH da se u predmetu nabave usluga obveznog osiguranja i potpunog kasko osiguranja službenih vozila Ministarstva pravde Bosne i Hercegovine, zakaže e-aukcija na način predviđen odredbama Pravilnika o uvjetima i načinu korištenja e-aukcije, a da se prije zakazivanja iste u sistem e-Nabave unesu ponude ponuđača SARAJEVO OSIGURANJE d.d. Sarajevo, CENTRAL OSIGURANJE d.d. Sarajevo i EUROHERC OSIGURANJE d.d. Sarajevo, kao prihvatljive ponude.

Povjerenstvo je tako u sistem e-Nabave unijelo ponude ponuđača:

1. SARAJEVO OSIGURANJE d.d. Sarajevo, Ulica Maršala Tita broj 29, 71000 Sarajevo;
2. CENTRAL OSIGURANJE d.d. Sarajevo, Ulica Džemala Bijedića broj 39, 71000 Sarajevo;
3. EUROHERC OSIGURANJE d.d. Sarajevo, Trg međunarodnog prijateljstva broj 20, 71000 Sarajevo.

Gore unesene ponude navedenih ponuđača su unesene kao prihvatljive ponude, te shodno tome Povjerenstvo je za iste zakazalo e-aukciju za dan 14.06.2018.godine (četvrtak) sa početkom u 10:00 sati. Povjerenstvo je istaklo da je u sistem e-Nabave unijelo ponude SARAJEVO OSIGURANJE d.d. Sarajevo i CENTRAL OSIGURANJE d.d. Sarajevo sa preferencijalnim tretmanom domaćeg, a ponudu EUROHERC OSIGURANJE d.d. Sarajevo bez istog, iz razloga koji su objašnjeni prilikom ocjena ponuda, o čemu je sačinjen Zapisnik o ocjeni ponuda broj: 18.6-16-4-5276-1/18 od 30.05.2018.godine.

Nakon što je e-aukcija završena, a na temelju podataka iz Izvješća o tijeku i završetku e-aukcije, Povjerenstvo je pristupilo rangiranju prihvatljivih ponuda:

Člankom 9. stavak (2) Pravilnika o uvjetima i načinu korištenja e-aukcije propisano je da ugovorno tijelo po završetku e-aukcije, u skladu sa člankom 69. Zakona o javnim nabavama („Službeni glasnik Bosne i Hercegovine“ broj: 39/14), donosi odluku o prestanku postupka javne nabave i obavještava ponuđače u skladu sa člankom 71. navedenog zakona.

Dalje je Povjerenstvo utvrdilo da je člankom 69. Zakona o javnim nabavama (Prestanak postupka javne nabave) propisano je da se postupak javne nabave može okončati: a) zaključenjem ugovora o javnoj nabavi ili okvirnog sporazuma ili b) poništenjem postupka javne nabave.

Slijedom navedenog, a na temelju rezultata provedene e-aukcije, Povjerenstvo je jednoglasno preporučilo ministru pravde BiH shodno Zapisniku o ocjeni ponude broj: 18.6-16-4-5276-1/18 od 30.05.2018.godine i Zapisniku o ocjeni ponude broj: 18.6-16-4-5276-2/18 od 14.06.2018.godine (u prilogu), da se u predmetu nabave usluga obveznog osiguranja i potpunog kasko osiguranja službenih vozila Ministarstva pravde Bosne i Hercegovine donese odluka o dodjeli ugovora ponuđaču **SARAJEVO OSIGURANJE d.d. Sarajevo, Ulica Maršala Tita broj 29, 71000 Sarajevo, sa konačnom cijenom od 26.883,00 KM bez PDV-a.**

Uzimajući u obzir naprijed navedeno, odlučeno je kao u dispozitivu odluke.

Pouka o pravnom lijeku: svaki ponuđač koji ima legitiman interes za konkretan ugovor o javnoj nabavi i koji smatra da je Ministarstvo pravde Bosne i Hercegovine u tijeku konkretnog postupka dodjele ugovora, prekršilo jednu ili više odredbi Zakona o javnim nabavama i/ili podzakonskih akata, ima pravo uložiti žalbu ministru pravde Bosne i Hercegovine na postupak u pisanoj formi, u roku od 5 (pet) od dana kada je primio odluku, odnosno obavještenje o rezultatima postupka nabave.



**Prilog:**

- Zapisnici o ocjeni ponuda

**Dostaviti:**

- Ponuđačima u postupku,
- a/a